

## Aandag!

Laat u raket deur ons deskundige hersnaar en herstel. Ons waarborg tevredenheid of u geld terug.

**Die Eikestadwinkel**

(Edms.) Bpk.

Pleinstraat - Stellenbosch

# DIE Matie

BESTE DIENS

vir

FIETSE, RADIO'S ENS.

is

nog verkrygbaar

by

UNIVERSITEIT H. VILJOEN  
PLEINSTRAAT

STELLENBOSSE STUDENTEKOERANT. ORGAAN VAN A.N.S.-TAK. 21 MAR 1949

DIE MATIE, DONDERDAG, 13 DESEMBER 1945.

DEEL V. No. 25.

## Ons Hulde aan Prof. Dr. M. S. Naudé

### Baie Gewilde Dosent Verlaat Stellenbosch

#### AANVAAR HOË STAATSBETREKKING

Aan die einde van hierdie akademiese jaar neem Stellenbosch afskeid van een van sy mees gewilde dosente en staatsmaker van die Universiteit. Prof. Naudé was vanaf 1934 as dosent verbonde aan die Universiteit van Stellenbosch en sedertdien was sy suksesvolle loopbaan ten nouste verbind met die opkoms en prestasies van die Fisikadepartement. Alhoewel Stellenbosch sy dienste verloor, sal sy volk en land in sy breër werkkring net soveel, indien nie meer nie, deur sy werk verryk word.

#### SY STUDENTEJARE

Dit was in 1922 wat prof. Naudé as eerstejaar sy studies aan die Universiteit van Stellenbosch begin het. Na drie jaar het hy sy eerste groot sukses gehad toe hy die graad B.Sc. met lof behaal het. Die jaar daarna het hy ook die graad M.Sc. met lof behaal waarna die Rhodes-beurs aan hom toegeken is. Hy het egter verkies om met die Currie-Stipendium na Duitsland te gaan waar hy aan die Universiteit van Berlyn onder 'n aantal van die wêreld se beroemdste wetenskaplikes gewerk het, o.a. prof. Nernst, Max Plank, Einstein en von Laue. In 1928 is die doktorsgraad Ph.D. met die hoogste lof aan hom toegeken oor die proefskrif „Die Verdunningswarmte van Swak Oplossings”. Hierdie werk sowel as sy M.Sc.-proefskrif oor die onderwerp „'n Bydrae tot die Kennis van die Nessler se Reagens”, is in Duitsland gepubliseer.

Vanaf April 1928 tot Mei 1929 het prof. Naudé navorsingswerk gedoen onder Paschen, die president van die Fisis-Tegniese Ryksinstituut in Charlottenburg, op die gebied van die atoomstruktuur en hul spektra. Die resultaat van sy werk hier is gepubliseer in „Duitsland onder die titel „Die Kwartetstruktuur van die Kwik-vonkspektrum”.

In Junie 1929 het prof. Naudé na sy vaderland teruggekeer en reeds in Julie van dieselfde jaar oor die laaste ondersoek van hom in Duitsland, voor die Britse Genootskap vir die Bevordering van Wetenskap, in Johannesburg voorgedra.

In Augustus 1929 is prof. Naudé na Amerika waar hy aan die Universiteit van Chicago onder prof. Mulliken 'n studie van molekulespektra

## MATIES AANDAG!

Vandag sê talle van ons Stellenbosch vaarwel. Die aangename studentedae sal altyd nog in soete herinnering terugkom, en baie dae sal ons terug verlang na die ou Alma Mater. Dit is nie nodig dat ons alle bande met die Eikestad breek nie. Stap in by Pro Ecclesia-Boekhandel en teken in op u eie blad, „Die Matie”. Daardeur sal u altyd weet hoe dit op Stellenbosch gaan en gereeld van u vriende hoor.

### WORD 'N INTEKENAAR VAN- DAG EN BEHOU U KONTAK!

gemaak het. Reeds in Desember van daardie jaar kon hy voor die „American Physical Society” voordra oor sy ontdekking van 'n nuwe soort stikstofatoom of isotoop wat in baie klein hoeveelhede voorkom, as ook oor die bevestiging van die voorkoms van twee nuwe soorte suurstofatome. Prof. Naudé het ook hier verskeie publikasies gemaak oor swawel en stikstof.

Die Universiteit van Chicago het prof. Naudé intussentyd aangestel as lektor en hom in Mei 1931 'n aantreklike navorsingsbetrekking aangebied aan die genoemde Universiteit. Prof. Naudé wou egter na sy vaderland terugkeer en het in plaas daarvan 'n senior lektoraat aan die Universiteit van Kaapstad aanvaar waar hy tegelykertyd ook navorsingswerk oor kosmiese strale in samewerking met prof. Campton van Chicago gedoen het. Prof. Naudé was in daardie tyd en daarna verantwoordelik vir die opmeting van kosmiese strale-intensiteit in S.A., die resultate waarvan hoofsaaklik bygedra het om die geaardheid van die strale te bevestig.

(Vervolg op bl. 4, kol. 3)

## Maties Stap Vrystaat-toe!

Woensdagoggend, 5 Desember, het J. W. Bell en Gagiano van Stellenbosch vertrek op 'n staptoer. Die plan is om kuslans te hou en dan nog 'n arbeidskamp in Adelaide-distrik by te woon, sodat hulle eers in Januarie die eindbestemming in die Vrystaat sal bereik. Na verneem word, „stap” hulle egter besonder goed, want die eerste dag het hulle al oor 'n honderd myl gevorder.

## DAGBREEKRY. SPEEL POP

Die Matie verneem dat mnr. Daantjie Moolman 'n popspeelsiesoen in Dagbreek ingelei het, deur middel van die kersgeskenkie wat hy onlangs gekoop het vir sy 9-maande-oud sussie. Mooi so Dagbreek, as julle so aanhou sal 1946 se sotjies darem nie te ontuis voel onder julle nie!

## DIE FAKULTEIT VAN INGENIEURSWESE

### Eerste Vyfjaar Plan Voltooi

#### Sestien Gekwalifiseerde Ingenieurs

Minder as ses jaar gelede is die eerste tantatiewe stappe gedoen om aan die Universiteit van Stellenbosch 'n voorlopige kursus in Ingenieurswese in te stel. In 'n beroep van Universiteitsweë op oud-studente en vriende heet dit: „Vanaf die begin van 1941 sal daar aan die Universiteit van Stellenbosch kursusse gegee word in Siviele, Werktuigkundige en Elektriese Ingenieurswese. 'n Leergang van drie jaar sal lei tot 'n spesiale B.Sc.-graad”. Die doel van hierdie graad was om studente voor te berei om na nog verdere studie van twee jaar aan die Universiteit van Kaapstad of Johannesburg die Ingenieursgraad te behaal.

En nou, slegs vyf jaar later, word daar volle B.Sc. Ingenieursgrade, na voltooiing van 'n vyfjarige kursus, aan sestien goed gekwalifiseerde kandidate toegeken, sonder dat dit vir een van hulle nodig was om na 'n ander universiteit te gaan!

As iemand dit in 1940 voorspel het, sou hy wel vir 'n malle optimis aangesien gewees het. Maar dit het gebeur, danksy die ondernemingsgees en dryfkrag van die Rektor, bygestaan deur prof. Reitz, wat dadelik in 1940 aangestel is, gerugsteun deur die Universiteitsraad.

Maar daar moes georganiseer word, sonder versuim, en nogmaals georganiseer word.

Eers moes die verlof van die Minister verkry word om 'n nuwe Fakulteit aan die Universiteit in te stel. Hy het gesê: „Goed, mits die Universiteit sy deel van die nodige fondse kan vind”.

Toe moes daar gekollekteer word, en dank sy die welwillende en ruime steun van oud-studente en vriende is die nodige kapitaal spoedig gevind.

Intussen moes ook die nodige doerenderende personeel gevind word, en ook hiermee het dit so vlot gegaan dat daar 'n fakulteit van vyftien dosente saamgestel is, wat hulle man teen enige ander in die land kan staan.

Dit is in kort die verhaal van wat gebeur het.

Van ons sestien nuwe Ingenieurs het ses die siviele, ses die werktuigkundige en vier die elektrotegniese rigting gekies, en daar is selfs 'n paar kandidate wat die eksamens met onderskeiding afgelê het. Met genoeg kan ons hier ook vasstel, dat die leergange so saamgestel is dat die gegradueerdes enige betrekking kan aanvaar wat in die wye gebiede van die drie bepaalde vakrigtings, soos hulle in Suid-Afrika voorkom, mag val. Alhoewel die Universiteit in die Suide ver van die nywerheids-swaartepunt van ons land geleë is, is kursusse ingesluit wat b.v. die werktuigkundige ingenieur van Stellenbosch in staat stel om sy plek op die

(Vervolg op bls. 4, kol. 4)

## Besoek DIE UITSPAN

Waar die atmosfeer rustig is, die bediening beleefd en flink, die spyse — vanaf 'n koppie koffie tot 'n volledige maaltyd — smaakvol aantreklik en goedkoop

**DIE UITSPAN is 'n besoek werd!**



## ONS WEDSTRYD UITGESTEL!

Aan almal, maar veral aan die studente, wil ons meedeel dat ons ons boekwedstryd op versoek uitgestel het tot

**1 JULIE 1946.**

Daar is dus nog 'n kans vir u om mee te ding!

### Onthou ons Voorwaardes!

(a) Alle manuskripte moet getik wees en slegs aan eenkant van die papier met dubbelspasiëring.

(b) Die C.S.V.-Boekhandel behou die reg op uitgawe van alle verdienstelike ingestuurde manuskripte ingesluit die pryswinnende manuskrip teen 'n outeursaandeel van 15 persent.

(c) Die C.S.V.-Boekhandel dra geen verantwoordelikheid vir manuskripte wat verlore mag gaan nie.

(d) Stuur alle manuskripte behoorlik gemerk „Boekwedstryd” aan

Die Algemene Bestuurder,

## DIE C.S.V.- BOEKHANDEL

PLEINSTRAAT  
STELLENBOSCH

EN ONTHOU!

ONS BIED £325 AN IN  
PRYSE

vir

Die beste Christelike roman van ongeveer 50,000 woorde;

Die beste Christelike verhaal vir seuns en/of dogters van ongeveer 40,000 woorde.

Die beste Christelike verhaal vir kinders van 4 tot 10 jaar oud van ongeveer 20,000 woorde.

## Die Plaza

Foon 0013

WITHOUT LOVE

SPENCER TRACY

KATHARINE HEPBURN

Donderdag, Vry en Saterdag

13, 14 en 15 Desember

Matinee Saterdag

### WEET U?

U weet seker hoe swaar dit soms is om geldjies te kry vir die ditjies en datjies?

Sorg dat u toekoms nie, ná 'n suksesvolle Universiteitsloopbaan, deur gebrek aan geldelike vermoë belemmer word nie. Jong professionele manne en vroue weet dat hulle sal miskien lank moet wag voordat hulle 'n winsgewende betrekking sal kan opbou. Dokters of prokureurs moet 'n praktyk of vennootskap koop. Die maklikste en beste manier om u planne te bewerkstellig is om nou te spaar en u besparings in UNIELENINGSERTIFIKATE te belê.

Koop hulle deur middel van Negepennie Spaarseëls, of vir kontant, by enige Poskantoor.

## DIE MATIE

Alle Korrespondensie aan:

DIE REDAKSIE,

„DIE MATIE,”

Posbus 197,

STELLENBOSCH.

Deel V. 13 Des. 1945. No. 25.

## A.N.S. WORD AANGEVAL

Sedert die laaste verskyning van Die Matie is daar 'n aanval geloot teen die A.N.S. deur 'n blad van wie die A.N.S. dit nie verwag het nie, en op 'n wyse wat die blad onwaardig is. Hierdie onwaardige verdraaiing van feite is gedoen deur niemand minder as die Huisgenoot nie.

Die aanval het hoofsaaklik berus op twee skewe beweringe. Eerstens sou die A.S.B. wat tot 1933 bestaan het aan twee opvoedingsinrigtings in die Noorde (die A.N.S. bestaan op 12 inrigtings) die ware Afrikanergees ge-adem het en sedertdien ontwikkel het in 'n onafrikaanse rigting. Tweedens sou die A.N.S. nog niks gedoen het nie.

Baie tereg het mnr. Hertzog, 'n oud-A.S.B.-bestuurslid en oud-A.N.S.-hoofraadslid, die redakteur van sy dwaling probeer reghelp. Hierop het dieselfde redakteur in onkiese uitdrukkinge rondgestamel teen die A.N.S. en hom van halfbakke menings beskuldig. Ook praat hy van die A.N.S. wat ontbind is (hy wens dit seker) soos blykbaar hy alleen weet en besluit het.

Ons wil volstaan met mnr. Hertzog se raak antwoord in die Huisgenoot van 16 November maar op die onware kommentaar van die redakteur op die brief, wil ons net vra: wie het buitelandse studentetoere georganiseer na 1933? Wie het namens die Afrikaner-Studentedom die stryd vir moedertaalonderwys in 1943 gevoer en die erkenning van studenterrade en owerhede oor die land gekry? Wie het met die landsdiensgedagte op die voorgrond getree tot dat die hele gemeenskap dit aanvaar het? (Dink alleen maar aan Stellenbosch!). Wie het op 4 September 1939 die Studentedom gemonster teen die regering se oorlogsverklaring in Suid-Afrika? Wie het reeds voor die Ossewatrek in 1938 volkspele begin propageer en die grondslag gelê van die nuwe rigting in ons kultuur? Wie het die stryd teen Nusas gevoer op die Universiteite onder leiding van Dr. N. Diederichs, Dr. P. J. Meyer, Ds. D. C. S. van der Merwe en talle vooraanstaande leiers en die akklamasie gekry van die hele Afrikanerpers waaronder Die Huisgenoot self, asook alle Afrikanerleiers wat vandag nog die leiers is van die H.N.P., O.B. en ander kultuurorganisasies? Wie het die stryd teen die Kommunisme en Nusas op Wits gevoer en Afrikaners saambegind in 'n titaniese stryd om regverdigheid in die Universiteit? Wie het die republikeinse staatsvorm aanvaar namens die Studentedom en 'n vryheidsmanifes namens die Afrikaner-student uitgevaardig wat deur die hele Afrikanerpers gehuldig is as 'n uitstaande mylpaal in die Afrikanerstudent se vryheidstryd? Wie het die voortou geneem in die land in die stryd om die erkenning en instelling van Helde-dag as vakansiedag reeds in 1938? Elke persoon wat die Studentegeschiedenis ken, weet wie — die Afrikaner Nasionale Studentebond!

## VAE VICTIS

as

## British Fairplay Vervaardig Word

HULLE WEET WAARVAN

HULLE PRAAT

Die advokaat vir die verdediging van die aangeklaagde kommandant van die Belsenkamp, die Engelse of fisier, majoor W., het in sy pleidooi tot ergernis van baie Engelse Amerikaners, aangevoer dat die Duitse interneringskampe maar 'n navolging was van die eerste sodanige kampe in die oorlogsgeschiedenis, nl. dié wat die Engelse in 1900 in Suid-Afrika ingestel het, en dat die Duitse kampe moontlik nie beter of slegter as die Engelse kampe was nie. En nou kla die Rooi-Kruisvereniging dat die Franse interneringskampe vir Duitse krygsgevangenes erger is as Belsen en Buchenwald. Daarom het die Amerikaners reeds 100,000 Duitse krygsgevangenes wat hulle aan die Franse oorhandig het, teruggeëis. Maar ons wag nog op die berig dat die Franse kampkommandante as oorlogsmisdadigers gaan terreg staan. Wat wou! British fairplay het maar een kant!

'N MAN 'N MAN,  
'N WOORD 'N WOORD!

Tot ergernis en kwelling van 'n sekere Minister het genl. Kemp onlangs beloof, dat ons in Suid-Afrika ook 'n verhoor van oorlogsmisdadigers gaan kry, sodra die H.N.P. aan die bewind kom.

Mooi so, Generaal! Hou voet by stuk, en die „Matie” gee aan die hand dat u begin met die verhoor in absentia van die kommandante van 'n paar Engelse konsentrasiekampe in Suid-Afrika, b.v. dié van Bethulle en Springfontein, en dat majoor W. wat die verdediging in Belsen waarneem, as aanklaer sal optree.

Met farisiese eiegeregtheid het 'n Britse parlamentslid onlangs die wêreld verseker dat die verhoor van die Duitse „oorlogsmisdadigers” te Nijenburg op streng juridies-korrekte wyse sal plaasvind. Gevolglik hoef die Forum nie bevrees te wees dat die verhoor die opvatting van geregtigheid in diskrediet sal bring nie, deurdadig daar motiewe van wraaksug en vergelding sal by te pas kom, wat dan met die toosel van die geregtigheid sal beklee word.

Maar die verhoor het pas begin, of Geallieerde propaganda het reeds die opsomming voltooi en die uitspraak gelewer. Daar moet net nog besluit word of die a priori veroordeeldes geskiet of gehang sal word. (Ons meen dat in Engeland die doodstraf alleen met die strop voltrek word).

Dan was die Amerikaanse regter in die ou dae in die Weste tenminste eerliker, toe hulle 'n perdedief inbring en hy prontweg opmerk: Kyk, ons gee hom 'n allesins billike verhoor en dan neem ons hom uit en hang hom aan die eerste die beste boom op!

Tereg merk Die Vaderland oor hierdie travestie van die reg op: „'n Mens hoor reeds, uit die donkerte van hierdie beskaafde nag, die dode-dans en voetgestamp in stygende tempo naderkom, presies soos die rituele waarmee ons kafferstamme vroeër hulle bloeddors opgewek het rondom oorwonne teenstanders wat weerloos aan boomstamme gebind staan”.

Onder die veroordeelde misdadigers in Nijenburg sit Hans Fritsche, voorheen hoof van die Duitse radiodienste. Teenoor hom staan sy Engelse vis-a-vis Wickham Steed as 'n toonbeeld van geregtigheid. Dit laat 'n mens byna dink aan 'n toneeltjie in die Tempel.

## Kersfees by die Hospitaal vir Aansteeklike Siektes

In baie verskillende wyke is onlangs kersvierings gereël deur lede van die C.S.S.B. 'n Kersboom is o.a. ook gehou by Du Toit-stasie waar daar 'n program vir die aanwesiges gereël is, en pakkies lekker-nye uitgedeel is. Op Vrydag, 23 November, is ook by die Hospitaal vir Aansteeklike Siektes 'n kersboom gehou, en sowat dertig studente het meegehelp om aan die pasiënte 'n genoeglike aand te verskaf. Die matrone en haar staf het saamgewerk, en beddens is uitgestoot sodat almal wat gesond genoeg was, kon sien wat op die grasperk uitgevoer is. Sangduette is gelewer deur mejj. Lettie van Velden en Rykie van Schalkwyk en mnr. Andries Treurnicht en Martina Roos, en voorstellings uit die Bybel is uitgevoer. Ook is gewyde liederes gesing. Hierna is geskenkies, vrugte en blomme uitgedeel aan al die pasiënte, verpleegsters en die matrone. Na afloop van die verrigtinge, wat gereël is deur mnr. Paul le Roux en mejj. Alda Uys, Ria Bruwer en andere, het mev. dr. D. F. du Toit die hartlike dank van die Vroue Komitee van die hospitaal aan hulle oorgebring. Ook het een van die pasiënte self 'n paar woorde van dank namens homself en sy mede-pasiënte aan die studente gerig.

Hierna is 'n paar liederes gesing vir die bed-pasiënte wat nie die kersviering kon aanskou nie, en hierna is almal met koeldranke onthaal.

## Galaweek B.T.K.-Toer

Vir die eerste keer in baie jare het 'n 34-tal geesdriftige B.T.Kaners weer 'n toer deur die Kaapse Skiereiland afgelê, onder die bekwame leiding van Fransie du Toit en Jean Marais as kosmoeder. Tenspyte van 'n baie seer sonverbrande paar bene, het Giepie Louw tog nog sy veelvuldige pligte as kampvader kon vervul, terwyl Sarie Pienaar as „Chappie” saamgegaan het.

Vanaf Kloofnek het die span al lanks die met-branderbespoelde strande gestap, en die eerste kamp by Houtbaai opgeslaan in 'n skilderagtige omgewing van blou branders en bosbegroeide berhange daar-agter. By Kommetjie en Buffelsbaai is ook kamp opgeslaan, ver weg van mensegewoel, en by laasgenoemde is 'n dag oorgeby en na Kaappunt gestap. Hier is toe 'n besoek gebring (Vervolg op bls. 4, kol. 2)

# Rook Springbok-Sigarette



## Onderskeiding

Die „Matie" wens die ondergenoemde studente van harte geluk met die onderskeiding (cum laude) wat hulle toegeken is by die verkryging ver vermelde grade; asook die here aan wie die doktorsgraad toegeken word op genoemde proefskrifte:

### B.A.

Baumbach, Lydia.  
Robertson, F. S.  
Steyl, G. C.  
van der Horst, Jeanne.

### B.A. in Maatsk. Werk

Steyn, Elizabeth.

### B.Sc.

Basson, J. K.  
Beck, W.

### B.Ed. in Huishoudkunde

Roos, Martina.

### B.Sc. in Landbou

Le Roux, J. (Wynbou).

### B.Sc. (met Ingenieursvakke)

Linde, M. J.

### B.Sc. in Ingenieurswese

Joubert, J. D.  
Loedolf, G. F.  
van Straaten, J. F.  
van Wyk, H. F.

### M.A.

de Villiers, W. B. (Filosofie).  
Retief, Sophia (Geografie).

### M.Sc.

Maree, W. A. (Soölogie).  
van der Merwe, J. H.  
(Toegep. Wiskunde).  
van Pletzen, R. (Soölogie).  
Verster, G. P. (Chemie).

### M.Ed.

de Villiers, D. I.

### DOKTORSGRADE

#### D.Phil.

Grundlingh, M. A. S. (Op proefskrif: „The Parliament of the Cape of Good Hope, with special reference to party politics, 1872-1910").

#### D.Sc.

Brink, W. C. (Op proefskrif: „The Geology, Structure and Petrology of the Nuwerus Area, Cape Province").

Marais, E. J. (Op proefskrif: „The Rotational Structure of the Band Spectrum of the Diatomic Phosphorus Molecule with special reference to Perturbations").

#### D.Sc. in Landbou

Stubbings, W. A. K. (Op proefskrif: „Studies on the Bionomics and Control of the Pear Bud Mite Eriophyes Piri," Pag.)

## Ernst Marais Na Amerika

Stellenbosch voel trots dat een van sy senior-studente binnekort na Amerika vertrek vir verdere studie. Ons dink hier aan Ernst Marais. In 1938 het Ernst sy studie aan U.K.O.V.S. begin, waar hy in 1940 die B.Sc.-graad met onderskeiding verwerf het. Hy het daarna vir die M.Sc.-kursus ingeskryf op Stellenbosch, wat hy ook met hoë onderskeiding in 1941 verwerf het.

In 1942 is hy aangestel as lektor aan die Rhodes Universiteitskollege op Grahamstad.

In 1944 het Ernst egter weer na Stellenbosch teruggekeer, waar hy vir die D.Sc.-graad ingeskryf het. Sy verdienstelike werk is bekroon met A. B. Webb-Stipendium en 'n beurs van die Nasionale Navorsingsraad, wat hom in staat sal stel om sy studies in die buiteland voort te sit.

Ernst hoop om binnekort akkommodasie op 'n boot na Amerika te kry, waar hy aan die Colorado Skool van Myne verder sal studeer in die Geofisika. Wanneer hy terugkom, aanvaar hy 'n betrekking by die pasgestigte Nasionale Fisiese Laboratoriums.

Vandag word die graad D.Sc. aan hom toegeken. Die „Matie" wens hom hartlik geluk met hierdie prestasie wat hy deur sy verdienstelike werk verdien het.

Hiermee wil die „Matie" ook sy dank betuig vir die medewerking op die redaksie, waar sy interessante rubriek „Wetenskaplike Brokkies" baie bygedra het tot die prestige van die blad.

Alle sukses Ernst!

### D.Ed.

Pienaar, S. W. (Op proefskrif: „Die Organisasie en Probleme van die Plattelandse Hoërskole).

Van Vuuren, J. C. J. (Op proefskrif: „'n Kritiese Opname van Planne en Prosedures i.v.m. die Onderwys van Engels as Tweede Taal in die Middelbare Skole van Kaapland").

### D.Ed.Ph.

Postma, J. W. (Op proefskrif: „Onderzoek na die Wetenskaplike Basis van die Europese Strominge in die Liggaamsopvoeding van 1900 tot 1940").

### EREGRADE

Die graad D.Ed. (honoris causa) word toegeken aan ds. A. D. Lückhoff

en

Die graad D. Phil (honoris causa) aan ds. W. Nicol.

## Maties Wat Poste Aanvaar Het

Mnre. Francois Ungerer, Laubscher en Theron, wat vanjaar hul B.Comm.-graad verwerf het, is van plan om as rekenmeesters opgelei te word.

Mnr. Jan Reinecke het 'n pos aanvaar by die Sagtevrugteraad.

Mej. Esther Cilliers van Sonop het 'n aanstelling gekry op Bellville Hoërskool.

Mnr. Koos le Roux, wat vanjaar sy B.-Sc. Landbou verwerf het, sal vanaf volgende jaar werksaam wees by die K.W.V. in die Paarl.

Mnr. Boesman van Niekerk het 'n ligaamsopvoeding-pos aanvaar te Outjo, S.W.A.

Mej. Tertia Kloppers van Sonop het 'n onderwyspos op Bethlehem aanvaar.

Mej. Maria Steyn van Sonop sal volgende jaar op Ladybrand onderwys gee.

Mejj. Marie van Zyl en Jeanne Rossouw het albei huishoudkunde-poste op George aanvaar.

Mej. Ina de Klerk het 'n aanstelling as onderwyseres in Moorreesburg gekry.

### MATIES!

Netheid Tel Baie!  
Ons Tik- en Afrolwerk sal u help.  
VERTAALBURO, Stellenbosch  
Dorpstraat, Posbus 180.  
(Foon 486)

### WELKOM MATIES!

REFLEX STUDIO  
Andringastraat.  
DIE STUDENTE-AFNEMER.

## Suikerbossie Melksalon

Se Bediening is Uitstekend,  
Ontmoet Jul Vriende Hier  
Om 'n Lekker Koppie Koffie.  
Ons pas geopende  
**BILJARTKAMER**  
(5 tafels) is die mooiste en  
netjiese in die W.P.

## Foon 94 Santy se Bottelstoor

En probeer ons  
groot  
verskeidenheid  
Soetwyne  
en keurige  
Aptyt-drankies.

### PROBEER

ons  
VERKOE-  
EN INFLUENZA-  
GENEESMIDDEL

2/6 per Bottel  
JOERNING en SEUN  
(EIEND.) BPK.  
Foon 24  
GESTIG 1850

## Pro Ecclesia-Boekhandel

Wil al die Studente wat vandag hul grade ontvang

# Van Harte Gelukwens!

Mag u leiding, waar u u gaan vestig, 'n voorbeeld vir almal wees en mag u nog altyd terugdink aan Stellenbosch en u Alma Mater.

En as u terugdink aan Stellenbosch, dink u ook aan PRO ECCLESIA-BOEKHANDEL, wat u nog steeds sal dien soos hulle u op Stellenbosch gedien het.

-----  
GEREELDE TOESENDING VAN PRYSLYSTE EN  
GEGEWENS VAN NUWE EN ANDER PUBLIKASIES  
SAL OP AANVRAAG GESKIED.  
-----

## PRO ECCLESIA-BOEKHANDEL

Tel. 18 PLEINSTRAT, STELLENBOSCH Posbus 29

## HALDENWANG

HEERLIKE GEBAK—NET  
WAT U HART BEGEER

Kom besoek ons winkel in  
PLEINSTRAT  
en probeer ons Koek, Tert,  
Vleispasteitjies en alles wat  
lekker is.

(Foon 135)

### SO PAS ONTVANG —

Die Beroemde

MENTMORE „DIPLOMA"

en

GOLDEN PLATIGNUM  
VULPENNE  
7/6 en 12/6

•

COLUMBIA CHROMIUM

en die beroemde

„IM" GRAMMOFOONNAALDE

—o—

**R. Müller's**

Musiekhandel, STELLENBOSCH

# Rook Springbok-Sigarette



**DIE EIKE KAFÉ**

Onder persoonlike toesig van  
(Mnr. en Mev. van Zyl)  
**SIGARETTE en TABAK**  
**SJOKOLADE en GEBAK**  
**VARS VRUGTE**  
en  
**GROENTE**  
**LIGTE ETES ALLE URE!**  
In ruil vir u gewaardeerde  
ondersteuning waarborg ons u  
**DIE BESTE DIENSTE**

**Bedanking**

AAN STUDENTE EN HUIS-  
MOEDERS, WAT SO EDEL-  
MOEDIG VAN HUL WINTER-  
KLERE GEGEE HET VIR

**Holland**

ONS HARTLIKE DANK.

**Pas Ontvang**

**Materiaal**

vir

**UNIVERSITEITS-  
KLEURBAADJIES**  
(Oud-Studente sowel as  
Teenwoordige)

**VOORRAAD BEPERK**  
Plaas u bestelling  
vroegtydig

**Prys £5-17-6**

**Jac. J. du Toit en Kie.**

Offisiële Agente vir  
Universiteits-Kleurbaadjies  
Pleinstraat — **STELLENBOSCH**

**Alfred Blommaert,**

(Foon 48 en 176)

Kerkstraat,  
**STELLENBOSCH.**

**KRUIDENIERSWARE**  
-- YSTERWARE --  
-- PRODUKTE --

Die Winkel vir billike en  
spoedige bediening.

**Vir BLAKENDE  
GESONDHEID**

drink  
**HEERLIKE**

**KWV**

**DRUIWESAP**



Onthou! **K.W.V.-**  
Eau de Cologne is 'n  
besonder aangename  
en welriekende parfuum

(Vervolg van bls. 2, kol. 4)

aan die lighuis op die mees suidelike  
punt van die Skiereiland, en menig-  
een was in ekstase, veral toe die son  
soos 'n vuurbal in die weste sak en  
die aandskemering oor die see toe-  
sak, om telkens verbreek te word  
deur die lig van die vuurtoring.

By Simonstad is verlof toegestaan  
om 'n besoek te bring aan twee  
„destroyers” van „Sy Koninklike  
Majesteit” se vloot uit Engeland. Die  
bote was voorsien van 4-duims-ka-  
nonne en 'n bemanning van sowat  
140. Die toer is afgesluit deur 'n  
uitstappie na die top van Tafelberg,  
wat maar altyd weer mooi herinne-  
ringe na vore sal roep by menige  
B.T.Kaner.

Namens ons wat getoer het, ons  
innige dank aan die B.T.K.-bestuur  
wat vir ons hierdie so-besonder-aan-  
gename toer moontlik gemaak het.  
Nie alleen was die keuse van die  
toer-terrein die beste vir hierdie tyd  
van die jaar nie, maar dit het soms  
gelyk of Fransie somer kan ruik  
waar die heerlikste kamppekke was.

So is nog 'n toer verstreke, en ons  
kan maar net weet:

Waar die see se branders skuimend  
teen die hoë rotse slaan,  
Het ons B.T.Kaners, op hierdie  
Gala-toer gegaan.

**HENDRIKZ**

(Foon 95)

Vir **ELEKTRIESE BENODIGHEDE,**  
**RADIO** en alle Elektriese Reparasies  
(Langs Voortrekker Apteek)  
**ANDRINGAST, STELLENBOSCH**

*Klere van Hoë gehalte teen  
billike pryse*

**J. THERON SMIT**

Pleinstraat  
**STELLENBOSCH**

**HENDRIKSZ**

die slagter, spesialiseer in  
**WORS en VLEIS**

vir  
**BRAAVLEISAANDE.**  
Andringastraat, Stellenbosch.

(Vervolg van bls. 1, kol. 2)

**TERUG OP STELLENBOSCH**

In 1934 is prof. Naudé aangestel  
as professor op Stellenbosch. Hier  
het hy in 'n klein, ontoereikende ge-  
boutjie begin maar het gou planne  
beraam vir 'n nuwe instituut en het  
verbasend veel uitgerig in die opbou-  
ing daarvan. Ten spyte van baie  
moeilikhede is die fundamente van  
die Merensky-gebou in 1939 gelê,  
hoofsaaklik as gevolg van prof.  
Naudé se arbeid en bemoëing.

Self het hy die elektriese installasie  
van die gebou onderneem om te ver-  
seker dat dit van die beste sal wees.  
Die gebou is in besit geneem aan die  
begin van 1941 en is tans die bes-  
toegeruste instituut oor Fisika in  
Suid-Afrika.

Prof. Naudé was nou net in 'n  
posisie om die vrugte van sy baan-  
brekerswerk te begin pluk, toe hy  
geroep word om 'n nuwe groot werk  
te aanvaar.

**GROOT PRESTASIE**

Die pos van Direkteur van die Na-  
sionale Fisiese Laboratoriums in Pre-  
toria is aan prof. Naudé aangebied.  
Hy was die enigste in die land wat  
vir hierdie pos in aanmerking ge-  
kom het. Juis daarom het hy hom  
geroep gevoel om dit te aanvaar  
omdat hy gevoel het dat hy dit ver-  
skuldig was aan die Afrikanervolk.

Stellenbosch voel trots op hierdie  
onderskeiding wat prof. Naudé te  
beurt geval het.

**SY STUDENTE**

Prof. Naudé het 'n groot aantal  
gevorderde studente gelei in hul dok-  
torsgraadstudie, en sy mededose-  
nte wat onder nom gewerk het, het in  
hom altyd 'n uiters simpatieke en  
pligsgetroue hoof gehad. Dat hulle  
hom ten seerste sal mis, is seker.  
Hulle sal hom onthou, want die hele  
instituut dra onmiskenbaar die stem-  
pel wat hy daarop gedruk het. Die  
Merensky-gebou is 'n monument wat  
getuig van elf jaar se harde werk.

Vir die maak van u volgende

**Paar Sandale**

**Skoene**  
BESOEK

**LUBBE**

**EN SEUN**  
die deskundige  
schoenmakers en  
repareerders

Foon  
440

**AS MENS EN AFRIKANER**

Behalwe prof. Naudé se prestasies  
as wetenskaplike getuig sy presta-  
sies as Afrikaner van sy veelsydig-  
heid. Hy het sy gewig in die Afrikaner  
se gemeenskapslewe ingewerp en as  
gerespekteerde leier op baie terreine  
opgetree. O.a. was prof. Naudé 'n  
diaken in die kerk, kommandant van  
die Voortrekkers asook op die be-  
stuur van verskeie verenigings.

Wanneer prof. en mev. Naudé ver-  
trek sal Stellenbosch se gemeen-  
skapslewe die verlies voel. Mev.  
Naudé het naas prof. Naudé 'n ryk  
en vol lewe tussen talle vriende en  
in verskeie verenigings gehad.

Die Universiteit het formeel van  
hom afskeid geneem Woensdagmid-  
dag, 4-uur, in Dagbreek se vierkant.  
Sy mede-dosente en oud-studente het  
'n informele byeenkoms gereël Dins-  
dagmiddag. As afskeidsgeskenk het  
hulle hom 'n lessenaarstoel en 'n  
goeie vulpen aangebied.

Prof. Naudé, die studente van die  
Universiteit van Stellenbosch wens  
mev. Naudé en uself die beste vir  
die toekoms toe.

(Vervolg van bl. 1, kol. 4)

myne van die Rand goed toegerus te  
kan inneem.

Die getal studente in die Inge-  
nieurs-Fakulteit staan tans op sowat  
150 en sal aanstaande jaar hierdie  
merk seker nog heelwat oorskry.

**Verlowing**

Die Matie wens mnr. Ernst Marais  
en mej. Ester Beethge baie hartlik  
geluk met hul verlowing. Ons ver-  
neem ook dat mnr. Marais se ouers  
hier is vir die gradeplegtigheid. Aan  
hulle wil ons ook ons hartlike geluk-  
wensing oorbring vir beide prestasies  
van mnr. Marais.

**„FLORA”  
BLOEMISTE**

Plukblomme, Ruikers, Kranse,  
Skouerruikers, Geskenk-  
mandjies, ens.  
Pleinstraat — Stellenbosch

**G. E. HENDRIKSZ**

se viswinkel vir  
**VARS GEBAKTE VIS,**  
**AARTAPPELREPIES,**  
**SOUTVIS en KIPPERS.**

**BRILLE**

As u 'n oogarts besoek  
het, bring dan u voor-  
skrif vir u bril na ons.

**PRYSE DIE BILLIKSTE  
EN WERK GEWAAR-  
BORG.**

Die

**Stellenbosch-Apteek**

(N. C. Hough)

Andringastraat

**STELLENBOSCH**

**Gradedag Is Weer Hier!**

Aan dié wat 'n graad toegeken is, sê ons:  
**Hartlik Geluk.** — Aan die ander kan ons  
alleen sê: **Probeer weer.**

Maar vir julle almal wens ons 'n **GELUK-  
KIGE KERSFEES** en **NUWEJAAR** en  
bedank julle ook vir die ondersteuning van  
die afgelope jaar. — Ons sal uitsien na  
julle terugkoms, na 'n aangename en wel-  
verdiende vakansie.

**Gebrs. DE WET**

**DIE WINKEL WAAR AL DIE MATIES KOOP.**